



UNIVERSITÄTS-
BIBLIOTHEK
PADERBORN

Ocvlus, Hoc Est: Fvndamentvm Opticvm

Scheiner, Christoph

Freiburg i. B., 1621

Cap. XII. Quomodo secundus Oculus.

[urn:nbn:de:hbz:466:1-71258](#)

DISSECTIO OCULI.

CAPUT XII.

VT æquo mulrorum sciendi desiderio non nihil gratificer, ardentemq; sitim aliquantis per restinguam, & veritatis tot acquiram testes, quot cordatos letores, modum dissecandi oculi pro re nata fidelissimè pandam; pro re nata, inquit, quantum nimis ad scopum nostrum attingendum est satis: accuras enim Medicorum vigilias & exquisitas Physicorum industrias ipsis relinquimus, nobis satis est numerum, magnitudinem, figuram, situm, perspicuitatem, densitatem, & similia de partibus oculi indagare, ut ex his reliqua venemur, quæ ut quiuis proprio Marte assequatur, modum oculi partiendi, pro virili pando.

Instrumenta nec multa nec pretiosa exigo. Cuttellos scriptorios, aut similes acie singulari ad hoc aptatos. Etenim si vel minimum hebescant, tunicam duram & Corneam vix cum aliquo fructu domabis, ob contumacissimum vtriusque lentorem. Deinde acus tam liberas quam ligneis manubrijs immislas bene longas in promptu oportet esse. illis fila inducimus ubi necessum est, quibus prominentes oculi partes opportune vinciamus atque religemus; his transfixas tenemus aut trahimus quo lubet. Cætera instrumenta praxis ipsa & veritatis indipiscendæ ardor pulcherri-
mè suggesteret.

Hoc insuper in genero præmonendum, præstare vna oculi sectione aliquid certi accurate & seorsim prosequi, quām omnia vel nimis multa simul. Parum enim solidi assequetur, qui omnia tumultuariè aggreditur; at qui singula successuè lustrat, laboris fructum amplissimum feret. Sic enim ex singularium partium intima excussione, totius oculi recondita & rara cognitio resul-
tabit. Accessurus ergo ad oculi sectionem, vnam partem, tunica, verbi gratia, Corneam ex professo rimaberis, reliquis veluti per transennam aspectis,

Oculus etiam assumi potest animalis perfectioris quilibet, nam ad institutum nostrum quicunque aptus est. Certissimum enim

D 2 est,

est, eandem specie partem visionis organum esse in oculo humano, quæ sit in taurino aut equino. Si ergo ex uno videndi sed ē indago, in omni promo. Quare tametsi humānus oculus sit preoptandus ob eminentiam bouinus tamen, ob commoditatem, quam magnitudine sua adfert, tyroni est habilior. Neque hoc alienum est ab anatomica Medicorum praxi, vt videre est apud Aquapendentium, qui plurimorum brutorum oculos examinatos ob oculos ponit.

Secatur autem oculus vel crudus, vel aqua calida non nihil constipatus. Nam licet elixatio plena ipsum huic rei inutilē reddat, mersus tamen in feruentem, tunicis discernendis adaptatur. Quia calor glutinosa vincula resoluit, partesq; dissimiles in conspectum dat, &c.

Crudus oculus, aut humidus aut exsiccatus solet inspici. Hic tunicas crassiores, Processus ciliares & humorem Crystallinum inter ipsos pendulum affabre prodit. Humeūtus aut vegetus est & adhuc quasi spirans, aut exoletus; hic solis tunicis & quidem crassioribus examinandis inseruit, nam humores fluxu temporis exhalant, aut contrahuntur. Oculus ergo recenter emptus, huic negotio est opportunissimus, quia omnes & singulas partes vegetas & illibatas offert: cuius incisio, varie pro ratione portionis inspiciendæ adornatur.

Nam si humoris, exempli causa, Aquei copiam mensurare velis, concides tunicam Corneam, omnibus alijs intactis, & effluentem laticem vasculo ad id præparato excipes. Si humoris vel Crystallini vel Vitrei magnitudinem exoptes, Aqueo exemplo, ampliabis fissuram in Cornea factam, vel à dorso iuxta nervum Opticum, aut ex latere per Processus ciliares tunicas dissecabis, ambosq; humores dextrè in vasculum conueniens exprimes.

Sit tunicas oculi celebriores, cuiusmodi sunt Cornea, Vaca Sclerodes, Choroides, Retinaq; inspicere desideras; dupli id potissimum sectione assequeris, altera transversa secundum Corneę & Sclerotica confinium, ita ut processuum ciliatum anterior facies ab interiore, & Aranca antica à postica diuidatur, humore Cry-

Crystallino per medium secto; tunc enim excussis humoribus, tunica secundum superficies concavas perbellè apparent. Et Retina quidem Chorodi insidens, hæc Scleroticæ, ut patet, si vna post alteram auferatur. Sic in anteriore parte elucebit Vaca & Cornea, &c. Sed quia hic incidendi modus & lubricus est, & tunicarum nexionem communem apud processus ciliares rumpit, humoresq; gratis effundit; idcirco altera incisio, quæ à dorso oculi, iuxta nervum Opticum instituitur omnium præstantissima videtur. in qua illud cauendum, ne tunica Cornea deorsum propendens duriter in subiectum corpus incumbat aut prematur; ego aut filo aut acu transfixas Sclerodis, certis locis membranas ita illigavi, ut oculum in aëre vel inter digitos alterius pendulum secarem.

Musculis igitur, & membranulis adiacentibus, frustrulis carneis & adipic omni diligenter abrasis, habebis id quod propriè oculus nuncupatur, quodque ex nervo optico potissimum excruit, bulbum nimirum talem, qualem cap. 9. descripsi. Hunc à dorso, secus nervum opticum cultello lente & cautè incides eo usque, dum per vulnus tunicae Scleroticæ infictum, partemque sensim diuulsam & hiantem, superficies nigra compareat, quæ est tunicae Choroidis conuexitas. Quam circumcirca dissecta & abstracta leniter Sclerotica, usque ad Iridem denudabis, & simul fibras & alia istarum tunicarum ligamenta rimabetis. Postea eadem dexteritate, initio ad nervum facto, Choroidem multo cauissimè scindes, versusq; processus ciliares mollissimè auelles, ne subitus expansam Retinam villo modo laceres: tenerrima quippe est, & omnis asperioris contactus impatiens. quo facto ipsam cum suis venulis, & radiosis circa Crystallinū humorē pectinibus contemplaberis, & seu Araneę, seu. Processuum ciliarium extremitati concretā luculentissimè animaduertes; neq; enim nisi rupta, aut cultello abrasa inde auelli potest; imo si nervo optico eandem eleues, Vitreum humorē secum attollit, quod neutquam faceret, si contigua tantū esset ad Processus ciliares. Quos penes si cultello circumcidas Retinam, nervoq; optico eandem attollas, mox Vitreum humorē conspectui permittit; quem etiā deteges, si Retinam

tinam à neruo versus Processus aliarum tunicarum more reuelas; quo iterum manifestissimè eius cum Aranea continuacionem vel ipsis oculis cernes; dependet enim; neque nisi violenter auulsa decidit, &c.

Iam si hoc modo sectum oculum inuertas, ut humor Vitreus vna cum Crystallino deorsum pendeat, neuter excidet, ex quo amborum mutuas cum Processibus colligationes agnoscas. Quod si à fronte Corneam digito nonnihil introrsus premas, exprimes ambos, quo voles humores, tum licebit examinare communes omnium tunicarum cum Processibus ciliaribus connectiones, & quomodo Processus ciliares parietem interstitem agunt, inter patentem & latentem oculi sinus. Examinabis etiā mutuas humoris Crystallini & Vitrei necessitudines, eorumque tunicellas indagabis.

Quod si oculum integrum vegetum dextrè secundum axem & neruum opticum secueris, (id quod ego s̄epissimè feci) talēm omnium partium dispositionem, talesq; ideam intueberis, qualem ego c. 9. depinxi. Alia particularia & minutiora tuæ industriae comitto. Nunc ad partem secundam procedamus.



LIBRI